

www.BibleForChildren.org

Mateo 26



Dapulla'
livee kiñu
fandangu malu
chayanu
mandishmain malu
faatana, Jesús Betania
pebulusha jimi, pemunuren
ya' mangujtenu ruku Lázaró'
chuinsha. Tsadena María
mika kejtáa litru ma juu
pure' balee nardu
pindyupi tene juu taja', Jesús'
neepanu yuutsuutu, bene ya'
achuwachin manguijmi. Tsenñu
juntsa ya juru pindyupin aindyayai shuwami.



12 disipulu jumulanu, ma disipulu Judas Iscariote
mumu, chachilla' mitya Diosnu kalen jimu bale rukula'
junga keejimi Jesúsnun peesu
kakaanu titu. Tsandita jiñu
bale rukula demeetu mika
sundyala, tsejtu peesu
kakaashu juntsaa lushi
kuwanu pala.



Tsa detinmalan Judas naaketaa Jesúsnu peesu
kakaanu ju'ba juntsaa mi'kes nENCHI tene iimi.



Tsenñu Jesús naatiñuba
tsanguitu, ya' disipulula panda
kila. Tsangue' panda findu, Jesús
pan kake', juntsan mitya Diosnu
yuj urave ti' dedale', ya'
disipululanu kuwatu tsandimi: Ka'
fidei, entsa pan in buluve, timi.



Tsejtu bene binu pumu basu bain
ka', juntsan mitya Diosnu yuj
urave titu, ya' disipululanu kumi
entsanditu: Kumuinchi ñulla entsa
kushdei, matyu entsaa Dios
chachillaba veta' veta' tsanguedaa
tiñu jumu in asave, matyu pure'
chachillanu ujcha manbitsaanu
see-eranu jumu asa.



Tsejtu Jesús tsandimi: Simón, ñullanu Satanás mika
taaju puiware' trigu ñinu ya' kuyaba walla'eenu naake
pi'shinu deenuba juntsanguenu ti' uuden pa've.

Tsaaren iya ñu' mitya Diosnu la'kade ti' pa'yu inu
dera' kerangues jintsunutsu. Tsaaren ñu veta' pensa
mangue' kayu dera' mandimiya, ñu' keranguemu
naatalalanu
deelamishtide,
timi.



Tsenñu Pedro tsandimi: Bale Rukui, iya naa ñubaren
bulu peesu viinuu ju' bain, naa tutainuu ju' bain
tsainuu juuyu, timi. Tsenñu Jesús tsandimi: Pedro,
uwaindiyu ñu uma keperen, kayu wallapa utindyun, pen
bijee inu kerajtuyu tinu tsuve, timi.



Tsejtu bene Jesús yaiba
Getsemaní tinu tenabi
dejitu, ya' disipululanu
tsandimi: Enu chudidei,
iyaa aangu Diosba
kuinda kenu jintsuyu,
timi. Tsejtu Diosba kayu
kuinda ketu tsandimi: In
Apa, ñuchiya ti bain ken
jutyuuya jutyuve.




Tsa' mitya entsa
tsamantsa taaju i'
pullainu juuwashu
juntsanu tsaa
iwaatyuka, livee kika,
Apa; tsaaren iya naaju
mutyañuba juntsaaya
kityu', ñu naakenu
tenñuba juntsaaya kide,
Apa, timi.




Tsenñu Judas romano suutadulanu ma bulu miya' ji',
naa chachilla' mitya Diosnu kalen jimula' bale rukula,
fariseolaba de-eeñu aa elesha washkemu
chachillanu bain tsai demiya' jimi.

Tsejtu vinguenun jutyyu, mantsa
lanpara taa, mantsa tu ñillu
taa jila. Tsejtu ma disipuluya
chachilla' mitya Diosnu
kalen jimula' kayu aa bale
rukuchi taawasha kemu
chachinu peeniyachi ya'
urandya pungui daapukemi,
tsenñu Jesús ya'
disipululanu tsandimi:
iTsanguityudei, dyadei! timi.



Jesús tsanditu, juntsa rukunu ya' punguinu ta'kake'
ura' mandiremi.



Tsenñu Jesúsnu peesu katu, chachilla' mitya Diosnu kalen jimula' kayu aa bale ruku' yashaa tajila. Tsenñu Pedro bain yalanu baatala suree ne jiintsumi.

Tsai' jiñu, ya juru kejtala avindaa tenanu ñi dejuikare' ñinguelu dechuñu, Pedro bain yaiba ñingueesha chuimi.




Tsenñu chachilla' mitya
Diosnu kalen jimula'
kayu aa bale rukuchi
taawasha kemu main,
Pedrochi pungui
daavimu ruku' paande,
entsandi pake' meemi:
¿Junga vijpaasha ñunu yaba
bulu kataindyawa? timi.
Tsandiñu Pedro manen anbuda
mangurekenu uwanu, wallapa
utindimi. Tsejtu Pedro junu malu'
miji' avindala mafaatu mika
llakindya' waami.




Tsejtu yala kumuinchi demangujpatu,
Jesúsnu romano uñi, Pilato' jungaa
tajila. Tsenñu uñi Pilato, Jesúsnu
pake'meetu tsandimi: ¿Ñaa judíola'
reiyu? timi. Tsenñu
Jesús pakatu: Ñaa
tsandintsuve, timi.
Tsenñu Pilatoya Jesúsnu
livee kenu tya' mitya,
manbami. Tsenñun yala

daran uti' manbatu tsandila:
iKuusanu tu'pukaade!


iKuusanu tu'pukaade! tiitila.




Tsa tsa detiñu, pulla'bi Pilato
yala naaju demutyañuba
tsanguikaanu suutadulanu
kuwakemi Jesúsnu kuusanu
tu'pu' tu'nudetsu. Tsenñu
suutadula Jesúsnu ka' jila.
Tsejtu ya' tu'vinu kuusa
nanaaya Jesús lu' jitu Ujkun
Mishu tinu tenasha jimi,
hebreo palaachiya Gólgota
mumu tenasha.



Juntsa tenanu
Jesúsnu kuusanu
tu'pula. Tsangue'
veelanu bain pallu
detu'pu' kelush
kelush uyukare'
yanu kejtala
pungue uikaala.



Pajta katyu uratala tu kuraa dishpajtya' tsaa
tsanatu, kepenusha pen ura inshaa madanguemi.
Tsenñu Diosa' pupunanu ya juusha juukapanu
daayanamu jali tsaa kejtala
kiyuu tsetakemi. Tsenmala
Jesúsya daran ui'tu
tsandimi: Apa, in aama
ñu' tyaapanu
shuikentsuyu,
ti' peyami.



José, Arimatea pebulusha chumu,
kavitu kenchi bale ruku jumu,
tsenmin ya bain Dios yaichi
rei juu tiyanu juñu
keenamu ruku, uwain
tsandinu tsuyu titu,
Pilato' junga ji'
Jesús' ujkun
bulu pa'mi.

Tsenñu José linu
manbaali main
ati' katu, Jesús'
ujkun bulu, kuusasha
u' punamunu
manbajtetu juntsachi
ya' bulu depijtekemi.



Tsanguitu ujkun mennu ke'
lanbakinu vijchaa tujuusha,
Jesús' ujkun bulu pu', junu
vinu juukapanu aa
shupukachi
dikakaami.




Juntsa ayunchi, lekanu malunu,
chachilla' mitya Diosnu
kalen jimula' bale
rukula, fariseo
chachillaba Pilatonu
keejitu entsandila:
Ruku, ...



... lala demandengayu
juntsa anbumu ruku kayu
peyai' mujchi chuumala:
Pen malusha
mangujnu tsuyu,
timuwaañuba.




Tsenñu yala dejitu,
juntsa ujkun juukapanu
di'namu shupukanu
dejuikaañuba mijanu
señas putu,
suutadulanu
washkaala.



Saaduma lekanu malu depuiñu,
juntsa ayunchi, duminguma,
semana ajke' malunu
defijurukinsha María
Magdalena, kama
Maríaba juntsa
ujkun tujuusha
keenu jila.

Tsaaren Bale
Rukuchi ma anjee
selusha pajañu,
tsamantsa daran
kala kemi.



Tsai' anjee pajatu, ujkun tujuusha
ji', junu di'namu aa shupuka
vee mujtu mandyulere' junu
jandala chudiñumi.

Tsenñu junu uinamu
suutadulaya
jelanchin
dejulluke',
matyu pemu tsun
tsaila.



Anjee juntsa shinbulanu tsandimi:
Jeetyatyudei, iya miyu naa
ñullaya kuusanu tu'vi'
peyaishu juntsa
Jesúsnu
mi'kes
nendetsuñuba.



Yaa enu putyuve; naatimuwa ju'ba
juntsa-i' yumaa mangujtave.
iJade-ii, yanu tsuununu
ja' keekidei!




Tsenñu juntsa shinbula junu ujkun
mennanunu jei demalu' miila. Tsejtu
naa wapanaa deju' bain, tsaren
sundyandetsu' mitya, jei demiji',
juntsa kuinda manjintsula ya'
disipululanu. Tsai' miindetsun,
Jesús yalanu fale' katawatu
ura'

dejusa timi.



Tsenñu yala Jesús' neepanu
amangue', deteedi' Jesúsnu
aawa kure' keewaala.





Kayu bene, Jesús ya' 11 disipululanu bain
mangatawami, yala panda finsha chudena. Tsejtu
nepami, yala uwain tsaave tya' keenguityu deju',
naadetiñu bain meenguityu deju', naa ya mangujpa'
nentsu mangata' wainmu chachillanu bain
dekeenguityuñu' mitya. Tsandi depa' dyatu Bale
Ruku Jesús selusha mandakami, tsejtu Diosa'
urandyasha malu' chumi.



Entsa tusha chumu chachillanu Dios
tsamantsa estyanchin ya' Na main
juunuren yala' mitya engu
erekemuwaave, tsenmalaa mun
yanu keengue' bain livee iinuu
tiya' naa-uwanuba Diosba
ura' chunudetsu.



Romanos 3:23 matyu kumuinchi ujcha dela'
mitya, Dios juuñuu urandene junu dejutyuve.

Romanos 6:23 Ujchaya peyawaamuve, tsenmala
Diosya lala' Bale Ruku Jesucristo' mityaren
naa-uwanuba yaba ura' chunuuya me'muve.

Hebreos 9:27 Matyu naajunga naaju chachilla
bain ma bijee peyakeyainu jushu, tsenmala bene
titi ken chumu deenuba juntsan mitya
Dios lalanu kavitu kenu jushu,

Efesios 2:8,9 Matyu Dios, mika aa ura ruku jutu,
yaren tsaa mutyañu' mityaa, ñulla keenguitu,
liveeju detiyave. Tsa' mitya ne ñui tenee
juntsa-i' livee ityumujchi, Diosren
tsanguiñaa liveeju detiyave.



Tsai' ñulla delivee-i'ba, ne ñulla' pudengura
kendaa livee inuu dejutyu' mityaa, ti' mityaba ne
daj patinuu dejutyuve.

Romanos 10:9,10 Ñu' fi'pakichiren, ñu uwain
Jesúsya Bale Rukuve ti' ma tsandipa' wainshu
juntsaa, tsenmin Jesús peyañuren Diosya
mangujtemuve tya' ñu' tenbukasharen ma
tsangue keenguishu juntsaa, ñu livee inu tsuve.
Dios naakesa tyañuba tsanguen chumu kuranuya
lala' tenbukachiren uwain keenguinaa juve;
tsenmin livee inu jumiya uwain keengue' lala'
fi'pakichiren wandinaa juve.



Juan 3:16,17 Entsa tusha chumu chachillanu Dios
tsamantsa estyanchin ya' Na main juunuren yala'
mitya engu erekemuwaave, tsenmalaa mun yanu
keengue' bain livee iinuu tiya' naa-uwanuba
Diosba ura' chunudetsu.

Matyu Diosya ya' Nanu tsangue' entsa tusha
eetu, chachillanu kavitu ikare' kuipa vikaachi
tyatunguindyuve, yaa chachillanu ya' Na' mitya
delivee-isa tyataa tsangue' eeve.



1 Juan 5:11-13 Tsen, ¿Dios ya' Nanu laapu' patu
tyee mijakare' pañanga? Entsaa mijakaave:
Diosya lalanu naa-uwanuba yaba ura' chunuu
tireve, tsaaren naa-uwanuba Diosba ura' chunuu
jumiya ya' Na' mityaa tsainuu jumi.
Tsaju' mun Diosa' Naba buunashu juntsaa,
naa-uwanuba Diosba ura' chunuu juve, tsaaren
mun Diosa' Naba buunai'shu juntsaa
naa-uwanuba tsana chunuu jun jutyuve.
Ñullanu, Diosa' Nanu keenguemulanuya entsa
piikentsuyu, tsenmalaa ñullaya naa-uwanuba
Diosba ura' chunuu deju' bain mijanudetsu.



Mateo 26-28; Lucas 22-24; Juan 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Chachi Bible (cbi) © 2008, Wycliffe Bible Translators,
Inc. All rights reserved.

<https://live.bible.is/bible/CBITBL/MAT/1>

©2026 Bible for Children, Inc.

www.M1914.org

www.bibleforchildren.org

